

Ad  
BENEVOLUM LECTOREM.

**A** Nni sunt jam nunc duodecim, cum Florilegium meum conscriberem, & quæ ad quorundam medicamentorum secretiores & elegantiores preparationes pertinere videbantur, in Compendium redigerem, lineamentisq; quasi adumbrarem. Qui labor hic noster, ut comperi viris candidis, bonis, & Medicina Studiosis, nec non aliis, quibus singulares & necessarias res cognoscere volupe est, ad id placuit, ut non modo in breve temporis Spatium Exemplaria hujus tractatus nostræ opinionione citius distraherentur, nec ullum amplius in Bibliopoliis (absit verborum jactantia) venale superesset. Hinc factum, ut hætenus ob defectum exemplarium multi ad renovandum & augendum hunc tractatum quam diligentissimè adhortati fuerint. Quorum petitioni licet quidem primò ob multa tam publica, quam privata negotia, quibus tunc detinebar, non nihil difficilem me præbuerim; attamen tandem indesinenti literarum rogatione & sollicitatione commotus, facere non potui, quin amicissimorum benevolentiumq; hominum voluntati morem gerens, annuensq; felicibus auspiciis revisum prædictum meum Florilegium ad præalum adornarem, & tibi ita, ut vides, exhiberem.

Qui liber, si forsitan tua expectationi unde quæ, non respondebit, eum nec meo voto planè respondere scito. Natus enim est non solum inter istos jam præteritos publicos tumultus, verum etiam inter negotia privata non pauca, quæ quidem amicis nota, hic autem recensere non opus est. Si qua verò, quæ usui tuo, vel aliorum, inservient, in his meis scriptis invenies, ea omnia DEO Optimo Maximo, omni Sapientia Autori, acceptum feras. Si quid secus, vel homini adscribas velim; nam & me hominem esse, & in hac natura obscuritate, & mentis imbecillitate, negotiorumq; varietate, errare potuisse, facile agnosco. Caterùm scias, Lector Benevole, his medicamentis, quæ hic tibi præscripta, & præsertim è Mineralibus & Metallis (inter quæ merito primas tenent Flores  $\ddagger$ ,  $\ddagger$ rii &c. Spiritus Vitrioli, Salis,  $\ddagger$ ris, Nitri &c.) utendum esse non obiter, sed cum ratione, & semper habitò respectu Indicationum, & aliarum circumstantia-



rum, nimirum temporis, et aetatis, sexus, complexionis, Consuetudinis, partis male affecta, morbi, temporum morbi, virium aegri, & similium. Nam medicamentum Chymicum cum iudicio & cautione usurpatum, iuxta tritum, manus DEI est; sinistrè, vel temerè, venenum, & quasi gladius in manu furiosi. Superflua & praesertim Germanica, qua hic aliquando occurrunt, & ob Tyrones adjecta, ea, Lector amande, ut caetera aequi bonique consules; uti etiam errata, qua praeter spem in hunc librum irrepsissent, pro tuo candore corrigere, non gravaberis. Hisce vale, & me amare perge. Stolberg a die 1. Maji Anno 1644.



NOTA.

Autores, quorum libris in hoc opusculo Medico usus sum, fuerunt Principales: Johannes Michaël Dilherrus, Theophrastus, Querceranus, Crollius, Beguinus, Sennertus, Hartmannus, Raicus, Mynsicht, Tentzelius, Johannes Schröderus, Guernerus Rolfinckius, Godofredus Mœbius, Valentinus Andreas Möllenbroccius, Cunradus Frommannus, Claudius Deodatus, Joan: Daniel Mylius, Casparus Amthor, Michaël Majerus, Blochvitijs, Duncanus, Bornettus, Scotus, Dorncreilius, Angelus de Tarento, Hermannus Conerdingus, Raimundus Mindererus, Joannes Stephanus Stobelgerus, Levinus Fischerus, P. Pena, M. Lobelius, C. Bauhinus, Henricus Stapedius, Gregorius Horstius, Michaël Doringius, Arnoldus Weiccardus, Balduinus Clodius, Reineccerus, Conradus Künrad, Gabriel Ferrara, Joannes Petrus Faber, Tabernæ montanus, Johannes Poppius, Joannes Agricola, Gerhardus Dornæus, Joannes de Vigo, Henricus Julius Böckelius, Gabelchöverus, Paulus Aegineta, Levinus Lemnius, Andreas Libavius, Viri omnes de Repub. Medicâ benè merentes benè meriti; quâ de causâ non necessarium esse duximus cuilibet medicamento adjicere Autorem. Qui enim obiter tantùm percurrit ejusmodi autores, facile colligere potest, quæ mihi, vel prædictis scriptoribus adscribenda sint.

CAR-